



Broj/Број: 01,02-50-1-19-11/09
Sarajevo/Сарајево, 28.1.2009. godine

ZAPISNIK

11. zajedničke sjednice oba doma Parlamentarne skupštine BiH, održane 28.1.2009. godine, s početkom u 10.15 sati

Prisutni članovi Parlamentarne skupštine BiH: 32 poslanika iz Predstavničkog doma i 14 delegata iz Doma naroda.

Opravdano odsutni poslanici iz Predstavničkog doma: Bakir Izetbegović, Ekrem Ajanović, Azra Hadžiahmetović, Zlatko Lagumdžija, Niko Lozančić, Slavko Matić, Rifat Dolić, Milica Marković, Jovan Todorović, Savo Erić.

Opravdano odsutni delegati iz Doma naroda: Mladen Ivanić.

Prisutni članovi Vijeća ministara BiH: Nikola Špirić, predsjedavajući Vijeća ministara BiH, Tarik Sadović, ministar sigurnosti BiH, Dragan Vrankić, ministar finansija i trezora BiH, Bariša Čolak, ministar pravde BiH, Sredoje Nović, ministar civilnih poslova BiH, Sven Alkalaj, ministar vanjskih poslova BiH, Božo Ljubić, ministar komunikacija i prometa BiH, Marina Pendeš, zamjenik ministra odbrane BiH, Igor Crnadak, zamjenik ministra odbrane BiH, Vilim Primorac, zamjenik ministar vanjske trgovine i ekonomskih odnosa BiH, Srđan Arnaut, zamjenik ministra pravde BiH.

Ostali prisutni: Milenko Šego, generalni revizor u Uredu za reviziju institucija BiH, Božana Trninić, zamjenik generalnog revizora u Uredu za reviziju institucija BiH, Dževad Nekić, zamjenik generalnog revizora u Uredu za reviziju institucija BiH, Edin Salihagić iz Ministarstva civilnih poslova BiH, Azra Avdić iz Ministarstva vanjskih poslova BiH, Slavojka Stolić iz Uprave za indirektno oporezivanje BiH, dr. Drago N. Nedić i Sabaheta Huskić iz Ureda za veterinarstvo BiH, Vesko Drljača iz Agencije za unapređenje stranih investicija BiH – FIPA, Gavran Autan iz Centra za uklanjanje mina BiH, Danijal Ganić iz Službe za poslove sa strancima, Vinko Dumančić iz Granične policije BiH, Zoran Dakić iz Ministarstva za ljudska prava i izbjeglice BiH, predstavnici Institucije ombudsmena za ljudska prava BiH, predstavnici međunarodnih organizacija u Bosni i Hercegovini – OHR-a, OSCE-a, EUSR-a, DFID-a, predstavnici nevladinih organizacija CCI-a i NDI-a, predstavnici Ambasade SAD-a.

Sjednicu je otvorio i njome predsjedavao Ilija Filipović, prvi zamjenik predsjedavajućeg Doma naroda Parlamentarne skupštine BiH.

U uvodnom izlaganju Ilija Filipović upoznao je prisutne da su, u skladu s članom 87. Poslovnika Doma naroda i članom 94. Poslovnika Predstavničkog doma, predsjedavajući oba doma Parlamentarne skupštine BiH sazvali sjednicu, prije svega, na zahtjev visokog predstavnika i specijalnog predstavnika Evropske unije za Bosnu i Hercegovinu Miroslava Lajčaka.

Shodno odredbama poslovnika oba doma, Zajednički kolegij utvrdio je dnevni red.

Međutim, 26. januara 2009. članovi kolegija oba doma Parlamentarne skupštine BiH dobili su obavještenje od Miroslava Lajčaka, u kojem je navedeno da se zbog novonastalih okolnosti neće biti u mogućnosti obratiti članovima Parlamentarne skupštine BiH na zajedničkoj sjednici oba doma. Umjesto toga, zamolio je za određivanje termina sastanka sa Zajedničkim kolegijem oba doma, o čemu su članovi Parlamentarne skupštine BiH blagovremeno obaviješteni.

U skladu s novonastalim okolnostima, promijenjen je i dnevni red 11. sjednice oba doma Parlamentarne skupštine BiH, te je s jednom tačkom utvrđen sljedeći

DNEVNI RED

1. Razmatranje izvještaja Ureda za reviziju institucija BiH o izvršenoj reviziji finansijskog poslovanja institucija Bosne i Hercegovine za 2007. godinu, i to:
 - a. Izvještaja Ureda za reviziju o izvršenoj reviziji finansijskog poslovanja institucija Bosne i Hercegovine koje su dobile "pozitivno mišljenje" :
 - 1) Agencije za statistiku BiH;
 - 2) Agencije za javne nabavke BiH;
 - 3) Pravobranilaštvo BiH;
 - 4) Službe za zajedničke poslove BiH;
 - 5) Tužilaštva BiH;
 - 6) Agencije za državnu službu BiH;
 - 7) Arhiva BiH;
 - 8) Fonda za povratak BiH;
 - 9) Komisije za imovinske zahtjeve raseljenih lica BiH;
 - 10) Odbora državne službe za žalbe BiH;
 - 11) Centralne izborne komisije BiH;
 - b. Izvještaja Ureda za reviziju institucija BiH o izvršenoj reviziji finansijskog poslovanja institucija Bosne i Hercegovine za koje je dato "mišljenje s rezervom", sa izvještajima Komisije za finansije i budžet Predstavničkog doma Parlamentarne skupštine BiH i Komisije za finansije i budžet Doma naroda Parlamentarne skupštine BiH, i to:
 - 1) Agencije za rad i zapošljavanje BiH;
 - 2) Agencije za unapređenje stranih investicija u BiH;
 - 3) Centra za uklanjanje mina u BiH – BHMACH;
 - 4) Direkcije za evropske integracije BiH;
 - 5) Direkcije za implementaciju projekta CIPS;
 - 6) Državne agencije za istrage i zaštitu;
 - 7) Državne regulatorne komisije za električnu energiju BiH;
 - 8) Generalnog sekretarijata Vijeća ministara BiH;
 - 9) Granične policije BiH;
 - 10) Instituta za akreditiranje BiH;
 - 11) Instituta za intelektualno vlasništvo BiH;
 - 12) Instituta za mjeriteljstvo BiH;
 - 13) Instituta za standardizaciju BiH;
 - 14) Ministarstva civilnih poslova BiH;
 - 15) Ministarstva komunikacija i prometa BiH;

- 16) Ministarstva odbrane BiH;
- 17) Ministarstva pravde BiH;
- 18) Ministarstva sigurnosti BiH;
- 19) Institucije ombudsmena za ljudska prava BiH;
- 20) Ombudsmena za zaštitu potrošača u BiH;
- 21) Komisije za zaštitu nacionalnih spomenika BiH;
- 22) Predsjedništva BiH;
- 23) Regulatorne agencije za komunikacije BiH – RAK;
- 24) Suda BiH;
- 25) Uprave BiH za zaštitu zdravlja bilja;
- 26) Ureda za razmatranje žalbi;
- 27) Ureda za veterinarstvo BiH;
- 28) Ustavnog suda BiH;
- 29) Visokog sudskog i tužilačkog vijeća BiH;
- 30) Agencije za nadzor nad tržištem BiH;
- 31) Agencije za osiguranje u BiH;
- 32) Agencije za sigurnost hrane BiH;
- 33) Direkcije za civilno zrakoplovstvo BiH;
- 34) Direkcije za ekonomsko planiranje BiH;
- 35) Instituta za nestala lica BiH;
- 36) Komisije za koncesije BiH;
- 37) Konkurencijskog vijeća BiH;
- 38) Ministarstva finansija i trezora BiH;
- 39) Ministarstva vanjske trgovine i ekonomskih odnosa BiH;
- 40) Ministarstva vanjskih poslova BiH;
- 41) Ministarstva za ljudska prava i izbjeglice BiH;
- 42) Parlamentarne skupštine BiH;
- 43) Službe za poslove sa strancima;
- 44) Uprave za indirektno oporezivanje BiH;
- 45) Ureda za zakonodavstvo Vijeća ministara BiH.

Ilija Filipović posebno je naglasio da, shodno odredbama člana 88. Poslovnika Doma naroda i člana 94. Poslovnika Predstavničkog doma, dnevni red Zajedničke sjednice oba doma utvrđuje Zajednički kolegij oba doma, te da u skladu s tim nema rasprave o dnevnom redu.

Ad.1. Razmatranje izvještaja Ureda za reviziju institucija BiH o izvršenoj reviziji finansijskog poslovanja institucija Bosne i Hercegovine za 2007. godinu

U uvodnom izlaganju o ovoj tački dnevnog reda Ilija Filipović upoznao je prisutne da su, na preporuku komisija za finansije i budžet oba doma, na sjednicu pozvani predstavnici 16 institucija Bosne i Hercegovine koje su u protekle dvije ili tri godine dobile "mišljenje s rezervom", a na koje je Ured za reviziju institucija BiH skrenuo pažnju, i to:

- 1) Ministarstvo odbrane BiH,
- 2) Ministarstvo vanjskih poslova BiH,
- 3) Ministarstvo finansija i trezora BiH,
- 4) Uprava za indirektno oporezivanje BiH,
- 5) Ministarstvo za ljudska prava i izbjeglice BiH,
- 6) Agencija za unapređenje stranih investicija FIPA,

- 7) Ured za veterinarstvo BiH,
- 8) Predsjedništvo BiH,
- 9) Institucija ombudsmena za ljudska prava BiH,
- 10) Komisija za očuvanje nacionalnih spomenika BiH,
- 11) Služba za poslove sa strancima,
- 12) Generalni sekretarijat Vijeća ministara BiH,
- 13) Ministarstvo vanjske trgovine i ekonomskih odnosa BiH,
- 14) Direkcija za civilno zrakoplovstvo BiH,
- 15) Ministarstvo sigurnosti BiH i
- 16) Državna agencija za istrage i zaštitu.

Osim navedenih 16 institucija, na sjednicu su pozvani i predstavnici pet institucija za koje je Komisija za finansije i budžet Doma naroda utvrdila da su u protekle dvije ili više godina od Ureda za reviziju institucija BiH dobile "mišljenje s rezervom", i to:

- 1) Granična policija BiH,
- 2) Ministarstvo civilnih poslova BiH,
- 3) Centar za uklanjanje mina u BiH – BHMACH,
- 4) Ministarstvo pravde BiH i
- 5) Ustavni sud BiH.

Također, u uvodnim napomenama Ilija Filipović podsjetio je da su nadležne komisije za finansije i budžet oba doma dostavile zbirne izvještaje o revizorskim izvještajima Ureda za reviziju o obavljenoj reviziji finansijskog poslovanja svih 56 institucija za 2007. godinu, u kojima su komisije predložile određene zaključke.

Navedenim zaključcima je za 11 institucija, koje su dobile pozitivan izvještaj o reviziji finansijskog poslovanja u 2007. godini, predloženo da se naročito istakne i pohvali njihovo pozitivno poslovanje. Radi se o sljedećim institucijama:

- 1) Agencija za statistiku BiH;
- 2) Agencija za javne nabavke BiH;
- 3) Pravobranilaštvo BiH;
- 4) Služba za zajedničke poslove BiH;
- 5) Tužilaštvo BiH;
- 6) Agencija za državnu službu BiH;
- 7) Arhiv BiH;
- 8) Fond za povratak BiH;
- 9) Komisija za imovinske zahtjeve raseljenih lica BiH;
- 10) Odbor državne službe za žalbe i
- 11) Centralna izborna komisija BiH.

Ostali zaključci u zbirnim izvještajima komisija odnose se na preostalih 45 institucija za koje je Ured za reviziju dao "mišljenje s rezervom", a iz kojih proističu određene obaveze Vijeća ministara BiH, Ministarstva finansija i trezora BiH i drugih subjekata.

Ilija Filipović posebno je napomenuo da će se domovi, nakon rasprave, izjašnjavati o Zbirnim izvještajima nadležnih komisija za finansije i budžet oba doma sa zaključcima predloženim u njima.

Nakon uvodnog izlaganja, predsjedavajući sjednicom pozvao je predsjedavajuće Komisije za finansije i budžet Doma naroda i Komisije za finansije i budžet Predstavničkog doma da, kao izvjestioci, daju kratko obrazloženje zbirnih izvještaja ovih komisija.

Međutim, prije izlaganja izvjestioca, o utvrđenom dnevnom redu diskutirali su:

- **Šefik Džaferović**, koji je istakao je da je, uprkos novonastalim okolnostima, visoki predstavnik za BiH trebalo da se obrati članovima Parlamentarne skupštine BiH kako je to ranije bilo predviđeno,
- **Ilija Filipović**, koji je pojasnio razloge koji su usloveli izmjenu ranije utvrđenog dnevnog reda,
- **Ivo Miro Jović**, koji je izrazio nezadovoljstvo zbog činjenice da izvještaje nadležnih komisija nije dobio na hrvatskom jeziku.

U nastavku sjednice, Dušanka Majkić i Sadik Bahtić, u svojstvu izvjestioca komisija, ukratko su obrazložili izvještaje komisija za finansije i budžet oba doma Parlamentarne skupštine BiH.

Uvodno izlaganje o ovoj tački dnevnog reda dao je i Milenko Šego, glavni revizor u Uredu za reviziju institucija BiH, koji izvršio prezentaciju načina vršenja i rezultate revizije institucija BiH za 2007. godinu.

Prije otvaranja rasprave, Ilija Filipović podsjetio je prisutne da, u skladu s odredbama poslovnika oba doma Parlamentarne skupštine BiH, svaki član Parlamentarne skupštine BiH ima pravo na diskusiju u trajanju do 10 minuta, te pravo na korekciju citata ili repliku dva puta u trajanju od tri minute.

U raspravi o ovoj tački dnevnog reda učestvovali su: Slavko Jovičić, Adem Huskić, Husein Nanić, Lazar Prodanović, Adem Ibrahimpašić, Zoran Koprivica, Šefik Džaferović, Velimir Jukić, Jozo Križanović, Beriz Belkić, Momčilo Novaković, Milorad Živković, Drago Ljubičić, Salko Sokolović, Jerko Ivanković Lijanović, Branko Zrno, Selim Bešlagić, Sulejman Tihić, Bajazit Jašarević, Dragan Vrankić, ministar finansija i trezora BiH, i Milenko Šego, glavni revizor.

Husein Nanić u okviru svog izlaganja predložio je sljedeći

Z A K L J U Č A K

1. "Zadužuje se Vijeće ministara BiH da Parlamentarnoj skupštini BiH dostavi Izvještaj o realizaciji zaduženja iz Zbirnog izvještaja o revizorskim izvještajima finansijskog poslovanja institucija BiH za 2007. godinu s prijedlogom zaključaka i sistemskih mjera.
2. Rok za dostavu izvještaja je 90 dana."

Milorad Živković je, u okviru svog izlaganja, predložio sljedeći

Z A K L J U Č A K

"Rukovodioci institucija koje su obuhvaćene revizijom Ureda za reviziju institucija BiH, a koje dobiju tri uzastopna izvještaja ‘s mišljenjem s rezervom’, odnosno jedan od tih izvještaja ima "negativno mišljenje" podnijet će neopozivu ostavku ili će nadležni organi pokrenuti postupak njihove smjene u skladu sa zakonom."

Jerko Ivanković Lijanović je, u okviru svog izlaganja, predložio sljedeći

ZAKLJUČAK

"Zadužuje se Ured za reviziju institucija BiH da napravi pilot-reviziju učinka u oblasti zaštitnih mjera (član 22., 23. i 23 bis) u okviru Sporazuma CEFTA 2006."

Selim Bešliagić predložio je dopunu zaljučka broj 6. u Zbirnom izvještaju o revizorskim izvještajima finansijskog poslovanja institucija BiH za 2007. godinu, s prijedlogom zaključaka i sistematskih mjera Komisije za finansije i budžet Predstavničkog doma, broj: 01/4-50-1-4-35/08, od 28.11.2008., u smislu da se predviđeni rok do kraja 2009. godine skрати na rok od šest mjeseci.

Poslovničku intervenciju ili korekciju citata (repliku) imali su:

- nakon izlaganja Slavka Jovičića – Sadik Bahtić, Slavko Jovičić, Božo Rajić, Momčilo Novaković, Denis Bećirović, Adem Ibrahimpašić, Husein Nanić, Ilija Filipović, Jerko Ivanković Lijanović, Dušanka Majkić, Vinko Zorić, Mirko Okolić;
- nakon izlaganja Šefika Džaferovića – Dušanka Majkić, Šefik Džaferović;
- nakon izlaganja Beriza Belkića – Velimir Jukić;
- nakon izlaganja Sulejmana Tihića – Selim Bešliagić, Hilmo Neimarlija, Mirko Okolić, Alma Čolo, Jerko Ivanković Lijanović;
- nakon izlaganja Bajazita Jašarevića – Sadik Bahtić, Husein Nanić.

Nakon rasprave, Ilija Filipović upoznao je prisutne da je Zajednički kolegij oba doma Parlamentarne skupštine BiH, s obzirom na kvalitetnu raspravu u toku sjednice i veliki broj zaključaka, predložio sljedeći

ZAKLJUČAK

Prijedlozi zaključaka sadržani u zbirnim izvještajima o revizorskim izvještajima Ureda za reviziju institucija BiH za 2007. godinu, koje su dostavile komisije za finansije i budžet oba doma Parlamentarne skupštine BiH, upućuju se Komisiji za finansije i budžet Doma naroda i Komisiji za finansije i budžet Predstavničkog doma, zajedno sa zaključcima predloženim na 11. zajedničkoj sjednici oba doma Parlamentarne skupštine BiH i transkriptom sjednice, da ih na zajedničkoj sjednici razmotre, i domovima Parlamentarne skupštine BiH dostave na odlučivanje konzistentan prijedlog zaključaka.

Glasanja o Prijedlogu zaključka nije bilo. Predsjedavajući sjednicom konstatirao je da je predloženi zaključak prihvatljiv članovima Parlamentarne skupštine BiH, čime se on smatra usvojenim.

Sjednica je završena u 13,50 sati.

Sastavni dio ovog zapisnika je transkript 11. Zajedničke sjednice oba doma Parlamentarne skupštine BiH.

Sekretar
Doma naroda
Marin Vukoja

Prvi zamjenik predsjedavajućeg
Doma naroda
Ilija Filipović, dipl. iur.